



10070

山左明詩鈔卷第九

李舜臣二十八首

舜臣字懋欽一字夢虞樂安人嘉靖癸未會試

第一人授主事歷官太僕卿有愚谷集山東通志舜臣

性簡重不樂紛華旁通十三經壯歲謝歸著書滿家為世儒宗

粹然一出於正 詩選傳云懋欽與伯華才名相類

頽然自放懋欽一意經術兩人學業不同而志趣所合三齊之士屈指先輩必稱二李

春夕

日夕散車騎攬轡每委遲署松紛翠藹宮柳何莞斯入  
門纖月上宿鳥滿庭枝微風振遺凜暮色正淒其客心  
易為感萬念咸在茲豈無芳草色祇足攪歸思

山左明詩鈔卷九

早春憶故園

往茲薦禫日朱明甫南移青青原麥秀嫋嫋陌桑枝家  
世本農業會讀耕田詩豐臯餉童僕薄往閱耘耔剪茨  
開舊圃命版成曩基脩楊鬱近岸翠柏榮前墀木實紛  
丹碧蔬挺何葳蕤晨鷄夕自入夏蟬秋始悲別來歲云  
暮又見春草滋興言念故宇感激能無思

贈別高子業

今上始龍飛中興如日旭文物何休明忠賢盡來復殊  
方獻白環嘉氣瞻黃屋生逢泰階平偶竊南宮錄君時  
獨少年為眾所屬目翰墨已縱橫威儀亦肅穆手自握  
蘭蓀猶似欽余馥因彈貢公冠果枉山濤牘九萬擬層



霄隨君忽遐翻晨趨建章班夕散司衡局明時重交遊  
暇日相徵逐歡言詎足珍意氣乃多淑上欲窺鴻濛直  
邇義皇樸其次稱詩書頗慚馬遷獨作賦準班楊舒詞  
邁阮陸遙遙十載心悠悠久未副分手自曩茲開顏亦  
昨倏微志不及申薄遊遂再辱何知此爲別去住俱迫  
促惟有慰相離榮名能自勗

聞言簡高子業

白日麗層空鴉鷁逝有適饑鳶啄其下區區虞見迫腐  
鼠豈其珍徒爾聲相嚇人生有定姿盍與浮名易亦有  
灌園人三公棄如擲寸心苟不察殷憂復何益

雨夜

山翁詩鈔卷九

二

八月風露清雨落猶如注浹旬今不休勿乃神龍怒衾  
裯早已寒蹉跎未能去棄置自千秋人生貴有素紛紛  
輕薄兒莫以賢豪故

有感

泝澗或難免機杼不可爲豈不貴所用工拙有相宜當  
津遊上才皎皎揚英姿伊予山野人微尙殊支離下翔  
限斥鴳歸捧慚西施不如修初服從此遄還期

送丁德卿出守撫州

康樂臨川日江山屬壯遊羨君今出守於此復鳴騶地  
以紅泉勝亭餘碧澗幽遙知詞賦手千載揖風流

夜歸



憐此歸來晚蕭蕭夜色深月明孤鳥宿秋急亂蟲吟  
薄勞萋萋心疎滯紱簪因思郎署裏賢俊昔如林

秋夕庭中悵然有懷吳文濟御史時渠將有閩中  
之行

金氣當軒肅蒼烟使舍幽下階聊獨往倚樹忽千憂名  
逐羣芳晚心摧落日秋所親仍別去炎德指南州

寄任元朴

去國今三載猶傳諫諍名聖朝非爾棄時俗乍相傾跡  
向陶邱歛書從梁獄明平生欲何似歲暮臥山城

秋夕吳文濟御史見訪

出省惟公暇深居每獨思故人驄馬客薄暮菊花卮月

山左明詩鈔卷九

三

正清秋滿霜裁變露爲非君茲枉駕何限使吾悲

寄劉叔正蜀中

劍閣青山外都門紫氣邊相看俱萬里分手已三年去  
國是何日浮槎想近天念從衆君子交結昔何妍

省中曉起偶有所思

在公常夙夜出戶偶徘徊忽忽嚴更徹紛紛曙色開禁  
鐘清曉風掃露滴庭槐鳥有鳴相和人皆去不廻

馬上偶作

秋風鼓大荒萬里長空來忽然被羣木瑟瑟鳴聲哀黃  
葉日夜落蕙草庭中摧鴻鴈號雲中蓬轉何時回顧惟  
仕京邑二載茲徘徊時哉豈所適拙薄成嫌猜常恐風



昔意零落隨浮埃不潔一以蒙西子猶堪哀胡爲復南  
陌追逐相喧豗

徐錦衣西園陪餞內兄伯雨

鑿石新成徑臨流舊結軒城邊飛蓋駐樹杪鳳臺存融  
雪滋花色微風送鳥言夕陽未歸去坐釣待魚餐

送陳介泉中丞赴河西

張掖國西門中丞山甫論從天下節鉞絕塞駐戎軒蠻  
賦千邦入威名萬里存空傳漢出使此路去河源

送江京兆景熙赴京

赫赫都門坐鎮來三年爲政不凡才能令江上風濤靜  
復道人閒夜戶開遶郭青山常帶雨經春芳樹早生梅

崑明詩鈔卷九

四

揚帆又送朝天去待報明廷寵璽回

謁文山公祠道中作

在遠日多思欽賢夜忘寐緣與簿書辭况復郊原遂野  
曠宜風生山深似雲戲臨流纓欲濯出谷衣全翠顧茲  
難久留拘迫慚爲吏

德安道中

蔓草坐藤引使車石田流水帶人居清秋不落丹巖樹  
薄午方綠白石渠谷口魚梁旌旆轉山中蘿徑牧樵餘  
爲應問俗遲遲去纔可塵煩漸漸疎

宿東林寺

山寺忽雲端山行處處歡晚涼巖際宿秋色月中看緩



步多幽壑清聲卽近灘蒼階疑露濕瀑水墮空寒

開先寺贈何邦鎮

昔人讀書處瀑水香爐峯年往碑仍在雲深嶂若重長  
風吹落日林壑上秋容何意都門舊今還此地逢

觀瀾閣

天地見彭蠡清淺雜煙浮忽訝城隅望蒼茫海上秋長  
風驅遠水落日走神蚪駭浪時能似銀山碎十洲

秋日諸友招飲病體未赴二首

始擬戶常關歸身反未閒一秋農自去竟日鳥俱還落  
木森平野澄潭入晚山登高期後會爲破病中顏  
不復身豪健千杯似往年春來能斷酒歲晚未歸田客

山左明詩鈔卷九

五

爲黃花命歌應白雪妍相從欲何限今負主人賢

甲辰初度

年年今日酒多爲菊花斟歌管誰能那芳菲乍可臨罷  
場園賦入閉戶草蟲吟敢向誇朋輩悠悠歲暮心

庭中

昨夜雨新晴今朝花更明下階看鹿迹倚樹辨禽聲袖  
爲移蘭濕襟緣愛竹清荒居春較可况復托歸情

馬坡村贈舊館人

數載今重到還非駟馬來主人年鬢改遊子客程催雜  
黍歡清夜階除落故槐明秋隨朔鴈遲我復能回

宿蕪州館



寥廓此中宿遙聽易水聲鑿惟畿月入疎館北風鳴夜  
覺秋初永寒知霜正清不堪情已倦明日尙遊征

黃禎十一首

禎字德兆號海野安邱人嘉靖癸未進士官吏

部文選郎中有北上集及戶部符臺諸集

府志

官歸日事吟咏爲文力追古作與李舜臣齊名

海內謂之李黃李伯華嘗曰文人獨詣反約爲難於我朝文章家固自一名品也

雜詩

苑苑楊柳枝灼灼桃李花江上懷春女涉江采靈葩輕  
颿吹羅袂倩妝明浦沙清揚一流盼令人三歎嗟春雲  
不共蒂聚散忽天涯風霜一零落惜此芳容華

山左雨詩鈔卷九

六

檄白頭吟

同時爲織婦君今舅姑行晨昏侍機杼白髮上高堂高  
堂春色暮羞作桃李妝傷哉省中柏顏色徒青蒼

擬陶歸田園居

朝陽往于田負耒昏聿歇田家長苦辛宵爾事蠶月露  
行濕春星風林坐蓬髮濁酒自適意將以勞寂蔑夫婦  
時相酬傾壺念冀缺躬耕述祖德養生聊自悅

感述

閒房睽清暉澄夕星月朗蘭氣夜襲人繁露綴蟲網于  
役息中林改服契心賞睽極思所歡感來喟向往青陽  
每時歎元珠會明兩自非羨門生誰能游象罔



東田

東田陟蘭臯別業山之麓夕日銜嶺頭山猿嘯東谷颺  
颺晚風細輕雲澹水木曳履尋友朋溪月上茅屋

送楊原山文選南謫

念此河梁別都門愁太陰離尊黃葉下征權白雲深  
嘿嗟何道區區抱此心君才當聖世未許滯江濤

寄別王子

得君酌酒一高歌悵別河梁奈晚何趙步口西烟雨霽  
鄭州城北水雲多荷葉菡萏陰晴色鴻鵠鷓鴣遠近波  
客路黃金臺上日馬頭燕樹草坡陀

黃金臺

山左明詩鈔卷九

七

燕王下詔求賢日白壁爲媒金作臺黃金銷盡臺秋老  
昔草萋萋雲暮來西望太行元塞合東連遼海翠屏開  
重憐易水荆卿去多少黃金買得廻

峴山懷古

襄陽南去楚山藜峴首習池在眼中風雲不共山用古  
日月常隨江漢東聊將客淚酬碑字莫以銅鞮笑此公  
我亦王臣叨扈蹕原陵春草獻皇宮

櫻桃

長安四月櫻桃熟玉椀鑿冰堆小紅頗怪黃鸝飛內苑  
佇看清廟叶南風珠樹自生瀛海上蔗漿遙賜漢宮中  
東園此日穠堪摘野水盈盈照竹籬



客者

客者乘軒到北山水深雲冷慰君還巖前桂樹空青色  
石上籀文翡翠斑鹿豕夜遊新出月鷓鴣春喚晚開關  
野花爛漫還無賴燕子看人一解顏

李文芝一首

文芝字元徵東平人嘉靖癸未進士歷官保定  
兵備副使所著有柘泉類稿

過清泉寺

小寺披巖出禪堂倚嶂懸泉甘真似醴僧老不知年幽  
鳥啼春晝山猿嘯石巔匆匆雲外客耽僻自忘還

劉汝松一首

山左明詩鈔卷九

八

汝松字貞吾歷城人嘉靖癸未進士官知府

送李進士之京

春風吹岐路朝日照高城青陽旣駘蕩林薄亦芬榮之  
子去安適迢迢入承明皇居一何麗雙闕凌太清白馬  
振長綏丹陛羅羣英匪才慚寡用高步羨芳聲盛年志  
四海豈徒夸令名

李士翱一首

士翱字如翰長山人嘉靖癸未進士歷官戶部

尚書贈太子少保有長白集

山東通志士翱巡

廉能名出知荊州以稅錢補宗祿築隄禦水有  
眞父母之謠及爲司徒以忤嚴氏罷歸杜門著

書者十  
餘年



送孫縣丞

都下懷三益深秋餞故人離亭傾綠酒別騎踐紅塵花  
縣無頑里琴堂有德鄰好將葵藿志努力答楓宸

李松四首

松字鶴巢曹州人嘉靖壬午舉人官開封教諭

州志松初授沙河令以不剛分宜謫在汴力崇實學士習大變屢攝大邑有一塵不染之頌祖鳳撫州司理以忤上官歸父上元在戶部有聲弟珩令廣宗以廉潔著有三世清白吏之稱

閒居獨詠有懷修菴

一笑功名走宦塵歸來樂事故園真題詩不負青春好  
對酒能甘白屋貧老境淹留天地客北窗高臥羲皇人  
相知未得數相見幾度思君欲卜鄰

隴阪

山左明詩鈔卷九

九

隴阪千尋鳥道迴秦城百二此奇哉人從絕巘雲中過  
水下平巒樹杪來天色低臨愁入望風聲易作憐生哀  
樹頭鸚鵡勞相問欲報音書苦未栽

饑民嘆

去去勿復道人家今幾存窮餓豈不苦瞻念我鄉村卽  
去欲何之誰與具盤餐攜婦采苜蓿且同糠粃吞剝榆  
更取錢折柳已成髡所賴活吾者春來野菜繁彷徨不  
可見燥土沒其根日暮提筐歸悽悽灑淚痕低坐氣不  
蘇展轉心自捫去年三冬糜變賣及雞豚今春典盡衣  
價直寧敢論頽然四壁中惟餘釜與盆父母坐茅簷白



髮待晨昏連日無菽米反哺愧酬恩癡兒索梨果隨我  
遶柴門一一如常歲牽衣號且奔百計渾無賴兀兀倚  
敗垣咄嗟此柰何命也向誰言已分填溝壑溝壑幸故  
園

流民嘆

惻惻背鄉井遲遲行道側凶年託此身樂土是何國追  
逐惟家口滿目無親識有時相顧語可憐各菜色聞道  
河之南人家富黍稷沿途萬萬人爭走向茲域負擔不  
能遠誰知我心亟羸人值此勞容易疲筋力裹糗臨風  
餐蒙塵衣盡黑日暮宿荒郊愁吟聲唧唧人生信多艱  
無家最可盡百轉曾焦慮欲留留不得豈無官給米誰

山左明詩鈔卷九

十

禁里胥尅豈無厥散朝誰共妻子食征徭雖暫停收入  
仍相逼慨然一決絕惆悵填胸臆風急走浮雲林空無  
定翼辛苦已備嘗漂流未有極逶迤家漸遙回頭望天  
北

孫重光 三首

重光號驪山海豐人嘉靖壬午舉人官邳州知

州有孫刺史集

楊夢山序刺史學極博洽有氣節所至聲稱藉甚徐州志稱其

廉且能人不能欺亦不忍欺可見矣罷官貧且無子卒後十餘年予乃集其詩刻之俾其緒餘不致湮沒耳

閣望

雲起條山暗風來涑水清碧知枯槁變黃見黍禾成土



曠多窮牧秋高尚晚耕含情望未已野哭入孤城

過條嶺

獨立條峯俯大荒川原極目一蒼蒼人行翠壁丹霞近  
鳥度危巒落照將春嶂花香隨馬足烟村牧笛下羊腸  
歸心無復刀州夢東逐河流入故鄉

淮陰侯祠

趙幟拔來功業存奇謀千古共誰論築壇拜後心初結  
躡足封時禍已根漢水有人識國士神州無地葬英魂  
井陘故壘經行處草木蕭條落日昏

江南一首

南字西臯濟陽人嘉靖丙戌進士官僉事

山左明詩鈔卷九

十一

躬耕

茅屋晨烟出短牆孤村曖曖映坐楊蠶桑春雨園林潤  
雞黍清秋隴坂長微祿代耕腰可折薄田餬口計爲良  
乾坤俯仰容吾老脫卻青牛自破荒

林瓊一首

瓊字廷獻臨清人嘉靖丙戌進士官刑部主事

所著有霜柏稿府志瓊在刑曹建昌侯爲人所  
諷力白其寃侯得免而瓊罷官

既歸杜門卻掃爲文雄蔚淵奧後進宗之州俗  
靡蕩競逐聲利瓊蟬蛻穢濁曠然不獲世之滋

垢評者謂其磊落大節如  
嚴霜孤柏挺立獨秀云

送榮戶部還都

別帳依渠柳秋容簇野亭揚帆見流水把酒嘆浮萍許



國頭顱白書勞汗簡青邊備方告急君去重調停

張子立 二首

子立字原禮黃縣人嘉靖丙戌進士歷官巡撫

延綏都御史人物志子立按浙郡守憚其風裁望塵下拜曰人有慾故不剛竟以

罪斥之後以用兵失利成固原杜門謝客竟卒成所

黃花堡

關塞雄三鎮風烟劇五戎胡塵驚代北漢月照雲中戰

士黃沙積將軍白玉驄防秋烽火近何日捷音同

寧武關

龍沙北望接三關十萬旌于虎豹開隘地風烟臨晉水

連營烽火動燕山行邊將帥勞推轂勝算朝廷重轉圜

山左明詩鈔卷九

十一

點虜早聞驅馬去將軍新自射熊還

王汝孝 一首

汝孝字紹甫號岱麓東平人嘉靖丙戌進士歷

官巡撫順天副都御史

春日

本非簪紱客况切水雲心未就吳門隱室為澤畔吟緜

書燃短燭命酒豁塵襟問我餘生計邱中有素琴

谷繼宗 七首

繼宗字嗣興號少岱歷城人嘉靖丙戌進士官

知縣王季木齊音詩七子為詩本四家太常筆底底盛煙霞華峯一柱誇難盡羣玉璘琦更

滿車注云濟上之峯以庭實先生為鼻祖若劉函山李于鱗詩殿卿谷少岱不可勝數濟南名



士多從  
昔然矣

送傅元功按涼州

一曲涼州送遠人，西征猶是塞垣春。卽看漢壘籌邊急，莫聽胡笳屬望頻。欸由來通十姓，防秋不憚過三秦。須知介子元同族，爲斬樓蘭獻紫宸。

同楊都督登醫無閭

海門日出醫無閭，疑是驅龍抱夜珠。萬里太行天塹角，千年遼左北門樞。猩紅嶺外稀來鴈，鴨綠江頭有巨魚。鎖鑰只今憑衛霍，劾師密邇費踟蹰。

陪聞人侍御觀張公洞

六月山風吹繡裳，仙人酌我紫霞觴。水晶宮闕深深見，

山左明詩鈔卷九

十三

翡翠闌干曲曲長，水繞山腰疑石乳。天空洞口漏斜陽，瑤臺更出丹崖上。有客吹簫引鳳凰。

蓬萊閣望海

蓬萊閣上海雲平，一望扶桑萬里晴。神女弄珠朝捧日，仙人騎鶴夜吹笙。天連浪起渾無地，月送潮來暗入城。此處祇疑逢象罔，何須塵外覓登瀛。

瓜洲送王都護留宴舟中

瓜步洲前春欲深，金山江口晝初陰。簾帷醉徹青梅雨，簫鼓吹殘黃鶻音。寶擬著經知杜預，寧堪草檄得陳琳。郎官都率名雖異，抱瑟齊門共此心。

贖舊亭後有感



可憐一曲吟詩墅棄作三年賣酒家  
八目止存君子竹  
傷心不見美人花  
池中水湧魚爭躍  
樹裏風來鳥任譁  
此日野堂歸舊主  
青山坐對興無涯

溪上

臺迥通風榭  
窗虛近水城  
卷簾殘暑去  
攜手晚涼生  
碧樹藏雲暗  
銀河度月明  
醉來愁彷彿  
只作畫中行

李學詩五首

學詩字正夫  
平度人嘉靖丙戌進士官左中允

有桃花洞集

小傳中允讀書於桃花洞乙酉仲秋州守夢人云登第者桃花洞少

年也已而捷至乃悟以推官選入翰林與胡經陳東唐順之同充東宮講官宮僚莫盛於此年三十九而卒惜未竟其學云

山左明詩鈔卷元

古

北山道上遇雨

緩步眺山岡  
忽值風雲會  
勢如驅海來  
千峯皆陰晦  
笑電掣巖下  
急雨過村外  
殷殷雷振響  
山谷聲若碎  
返照見東山  
豁然蒙翳退  
流翠落松枝  
林墟復澹靄  
鬼神滿乾坤  
始知多變態

弔齊桓公墓

山頭雲霧飛  
如縷族萃荒  
原成風雨  
兩雨風風秋  
氣寒  
衰草蕭蕭埋  
霸主君不見  
當時齊地  
千里餘祇  
今墳上

三尺土

蝸牛

一軀常自負  
那解避人行  
聚偶循牆濕  
留涎篆瓦明



不可望一望淚沾巾引領仍摧顏極目翻長甕君今懷  
往居妾此悲但春寸腸不自續况乃兩地身

喜雨詩

霖霖靈雨零霏霏澹烟屏荷風入高閣溪雲度修嶺林  
柯瀝華滋山禾發蒼穎田圃負鍤人寧知短簞令

沈氏伯仲過訪山居

野人掩蓬樞日晏枉嘉客斗室隘周旋臨流坐卷石山  
氣媚返景潭光靜虛碧呼酒時不來冥冥烟水隔

七里溪別墅二首

家世啓文學嗣續業益振伊余稟微尚願作草莽臣豈  
無珪組念志士多苦辛鑿井居自汲上山行負薪既來

山左明詩鈔卷九

去

此溪側稍得邇城闈言笑翳桑麻燕婉展所親禾黍日  
已長田功飭以新宣父恥學稼四體焉能勤刪述有餘  
思國風終于幽

弱冠嗜遠遊夙嬰山水癖心將跨十洲氣已吞七澤中  
歲頗用晦買築南山宅濩落三十年種樹高百尺無那  
營微名去作幽燕客五斗不下人浩歌弛行役移居七  
里灘似躡巖陵迹雖乏中山趣聊喜足泉石列嶂遠刺  
天環流抱村碧干祿非所長乘時登宿麥

有懷鳳洲使君兼呈仲氏麟洲先生

阮籍憤窮途賈生多痛哭天運無常盈人事乃反覆明  
德方彙征變故俄相蹙君子違吾邦民今竟無祿苛吏



日睢盱文學遭黥朴遂令避世人不敢留空谷結束事  
遠游來傍金焦麓金焦富題詠砮礪襍蒼穀忽覩琳琅  
篇別蘇欣一讀因之想風采炯然如在目世學貫三才  
家聲遊四澳神君啓諸荀龍駒騁小陸藝苑接天衢玉  
昆並騰逐伊余滯京口非以甘幽獨博物析方言問奇  
珍尺牘悵望子雲亭儻徊駕偏轂偏轂那能前寸心空  
碌碌

七歌行

爲墨吏作也  
選六

有客有客山中來淒淒逆旅巖城隈風穿四壁夜如洗  
黃雲塞空旦不開同舍書生半霄漢故園籬菊今蒿萊  
嗚呼一歌兮歌始倡歔歔僮僕愁相向

山左明詩鈔卷九

七

有弟有弟遊秦川羌胡萬里襍腥膻薄祿棲棲二十年  
孤臣何事猶在邊癡兒家食但力田覘之有時室無烟  
嗚呼二歌兮心獨苦涕泗縱橫不見汝

黃鵠黃鵠何所慕危巢困輪海東樹汗漫朝翔八極雲  
號鳴夜警三更露勁翻低回就羈束睚眦何當弋者怒  
嗚呼三歌兮氣慨慷飄風拍拍吹我裳

年來生長四五子元冬落莫空山裏大蒼依稀識姓名  
別時弱嬰病欲死窮愁有夢不成寐擊衣躑躅中宵起  
嗚呼四歌兮憂思沈沈驚鴻爲我揚哀音

誰家老翁泣路岐相看滿眼皆瘡痍中原流水方千里  
不知何地堪流離驕胡南下牧羊馬赤羽徵兵逐島夷



嗚呼五歌兮聲中咽我歌胡爲淚如血

枯桑野火隨風發千山萬山然倏忽轟騰剝裂荆山璞  
百萬形生化爲骨蛸翹蠕蠕一時盡炎光不照豺狼窟  
嗚呼六歌兮歌且吟倉卒不測天地心

題萬西原選君別業

章江兮月霽美人兮西溼渺川原兮極目曠怡神兮天  
之際丹霞兮縱縱鳧鴈兮與飛葭菼苗兮惹葑草樹蔚  
兮芳菲松柏兮當軒荃蕙兮闔門綴薜荔兮碧嶂緝木  
槿兮朱垣江之裔溪之澗桂爲堂兮玉爲宇朝予躋兮  
華坪夕憩兮瑤圃蜚龍兮雲中虎之嘯兮以風澗九州  
兮噓萬象君胡爲兮溪之上秋宵兮愁子目眇眇兮望  
汝晶月兮嬋娟光離披兮下土山有木兮水有波君之  
來兮駕文驛歸不可兮驟得聊逍遙兮寤歌

何辜歎爲茂才黃有賦

有中丞安厓公仲子爲其  
姪雪仇被繫歷下余憫側

焉乃賦  
此詩

黃公子爾何辜窮年汨汨淪泥塗而翁舊作名世儒玉  
堂青瑣曳珮趨明廷議禮據忠謨天顏忽霽寵渥殊廻  
淵臺省威惠俱英聲妙譽動八區隨風矯矯雙飛雛汝  
時目爲千里駒顧盼佩服閒且都遨遊海上胆氣粗腰  
閒短劍玉韉轡手持一雙金僕姑呼朋把酒歌嗚嗚不  
省世上賢與愚一朝第宅秋草蕪但見公吏來追呼倉  
皇竄身東海隅舊時見者相差呼借問公子何所驅同



胞骨肉爲人屠誓將復之身力孤寧知跬步遭艱虞  
寃赴愬口囁嚅橫羅鞭撻無完膚叩頭血出甘自誣伏  
法抵罪且暫蘇功名棄擲不復圖饑寒焉得謀妻孥言  
之酸心淚涕濡傍有二卒執其軀束縛西來就幽拘負  
牆骨立如朽株三日不食肝腸枯隆冬藉體乞東芻郡  
吏急索心鬱紆安得幻術飛青蚨歷下幸際賢夫夫廉  
明文雅近代無見之太息爲踟躕日頽升合朝夕需我  
亦阮子泣窮途少年浪跡尋五湖迢遙萬里筋力輪歸  
來寂寂掩繩樞恥向齊人學吹竽誰當暗裏投明珠通  
都大邑饒穿窬深山窮谷何崎嶇西北諸道馳羌胡東  
南衮衮來倭奴那堪郡縣多逃逋此身四顧將焉徂直  
欲乘筏訪蓬壺邏者得之當成俘俯仰天地悲吾徒握  
手相訊日欲晡爲汝且復立斯須何能出汝走交衢黃  
公子爾何辜

春日飲別業時舍弟泊維揚未至

佳節去匆匆良遊此日同風烟三月半杯酒萬花中綠  
柳尋彭澤丹砂叩葛洪御憐江上客悵望北來鴻

得舍弟家信二首

南北音書久寂寥天涯魂夢度寒宵鶴鴿原上七年別  
鴻鴈空中千里遙老去未應親簿領歸來只合問漁樵  
海山深處烟霞煖不待東風長藥苗

百二關河爾壯猷一江烟水正悠悠他年自比雙黃鶴



此日相思兩白頭已識功名爲長物莫教老大轉深愁  
向平未解忘婚嫁何日三山訪十洲

紫荆關闕武

萬年天險關鴻濛不數嶠函百二雄勅使觀兵中執法  
守臣分輔右扶風從來肘腋三關重此去華夷一路通  
今日正煩廊廟策安危何獨在元戎

秋懷

相逢道路問流離洪水懷襄莫怨咨主上側身修己日  
臣工昧死敢言時更無場圃登禾稼卽有絲綸損度支  
豈爲小民煩聖慮閭閻元自繫安危

竹西亭

山明詩鈔卷九

三

行看江上山忽見竹西月佳麗無古人時時歌吹發

晚泊

月色同寒水砧聲似故園江流從此去早晚下吳門

嚴廣文石谿別旣多年晤在邂逅未盡傾倒乃復

別去爲賦六言一章

疊疊論心此地依依把臂何年清曉山松掛月殘春江

草含烟

柳枝詞

底事飄飄西復東長年浩蕩領春風都將飛絮紅塵裏  
散作浮萍碧水中

聞鴈



一年不見若爲愁忽聽飛聲入舵樓未必音書憑汝寄  
也知消息近中州

馮惟訥 十一首

惟訥字汝言號少洲惟敏弟嘉靖戊戌進士歷

官江西左布政使加光祿卿致仕有光祿集本

寧傳惟訥嘗輯上古以來訖於六朝爲詩紀百

卷藝林極珍之性沈密有思其爲詩文斌斌然

宏雅君子也 朱中立云少洲詩俊逸秀麗縱

橫繩墨閒時出奇鋒 余世語光祿詩華整可

和平取則開寶 明詩綜詩話光祿詩華整可

觀三馮並稱真 賈氏之偉節乎 漁洋詩詔馮

氏自閩山先生起家進士以詩名海岱間四子

皆有詩名惟敏兼工詞曲惟訥纂古詩紀風雅

廣逸諸書有功藝苑惟重之孫則文敏

公琦至文毅公溥則惟訥之元孫云

雪後送姚比部按獄遼海

崇明詩鈔卷九

三

朔雲蔽千里遊子將遠征遠征亦何之祇役向井營送  
飄激前林寒水結縱橫苦言歲云暮不得淹王程昔賢  
有遺言失道良可矜澤風固天道成貸延皇情營州吾  
舊鄉松楸日已零羈旅惟寬政緬焉寄斯聲

吳郎坐見人餉衣香戲贈擬六朝體

湘君牽薛荔魏帝采靡蕪蟠龍連理帶翠鳳合歡襦不  
能機上織學作府中趨定知香十里終然傾五都

西山歸途和沈元洲參軍

幽討興不極况偕心所歡高懷一以暢轉覺無春寒五  
游古所希二并良獨難明朝元都花倘借劉郎觀

送杜方準明府歸遼左



仙郎逸氣橫朔野傲岸不落風塵下  
郟丹六百軀免官  
王陽九折能旋馬羈心浪跡日悠悠  
楚水吳山十度遊  
秋風君度紅驪磧知我題詩白鷺洲

聞警

八月塞門開單于獵鴈廻五原秋草盡  
萬騎羽書來秦  
隴瘡痍後疆場戰伐催黃雲迷處所  
羌笛暮生哀

春日關山道中

春色被蘭皋春風引使旄天光落澗小  
山氣入雲高錦  
石花爲幄飛泉雪作流言九折坂叱馭不知勞

同葉司法登北固山甘露寺

紺園臨楚郭碧巘控吳關閣道傳多景  
江光合二山雲

山左明詩鈔卷九

三

隨前代盡歌及此身閒况是逢山簡誰能不醉還

送王閣山赴均州別駕

迢遞糜城道看君白髮新孤猿楚山夜  
芳草漢江春去  
國懷明主憐才憶故人呂虔如有贈時拂寶刀塵

送趙東河憲使節鎮海上

臯蘭一傾蓋契關易寒暄此別承新命  
因君憶故園海  
霞明地鏡山月上雲門試就柴桑問知余三徑存

秋日寄懷家兄治泉

燕山木落鴈來遲遠客南歸未有期  
明月雙懸江海淚  
秋風一寄鶴鴿詩淹留賈誼才無敵  
飄泊馮唐鬢欲絲  
最是昭王遺恨處黃金臺上草離離



余解陽羨十年矣己酉夏分牧吳淞以吏事再至  
作此示同游

千家桑柘綠  
泔泔薜荔芙蓉夾岸分  
此日褰帷問風土  
兒童爭識小馮君

人嘉慶...

山東巡撫...

諫外後巡撫陝西遇地震有恤賑說不遺餘

民甚頌之召為侍郎以忤嚴世蕃歸

朱中書云吾西清苑和粹有中唐餘韻

茂欽登行德光信

不見黃生久天游  
忽驚居柳蘭懷楚  
客水雪衝江魚

日登山屐青春  
負郭廬莫測能發憤  
會見早成書

三別詩抄卷新規

葭菼烟中界  
茅簷水上村  
漁舟常繫柳  
菴落不離門  
愛



山左明詩鈔卷第十

李仁 三十一首

仁字元夫號吾西東阿人正德心卯鄉試第一

入嘉靖癸未進士歷官兵部侍郎有吾西遺稿

山東通志仁以行人擢吏科抗疏申救孫應奎

請外後巡撫陝西遇地震存恤賑濟不遺餘力

民甚賴之召爲侍郎以忤嚴世蕃歸

朱中立云吾西清婉和粹有中唐餘韻

茂欽至得德兆信息

不見黃生久天涯怨索居椒蘭懷楚客冰雪斷江魚白

日登山屐青春負郭盧虞卿能發憤會見早成書

湖行書所見

葭菼烟中界茅簷水上村漁舟常繫柳鷺渚不離門愛

山左明詩鈔卷十

爾機心息知予野性存炎天供遠役惆悵與誰論

過高郵湖

郡接三吳會湖含萬派流樓虛無地著岸濶與天浮細

柳魚蝦市香蘋鴈鴛洲孤舟蕩超忽真得水雲遊

同平橋水樓小集

別圃留賓地危樓一水通路廻楊葉渡船拂藕花叢茗

椀消長日松窗遮遠風歸途元咫尺隔岸蕊珠宮

送劉竹瀧赴西寧

曲水高旗駐離筵急管催驅車川路永吹角隴雲開青

海霜鷗擊流沙天馬來百年番漢地坐見古風回

訪人別業不遇



小院寂無譁穿林度輒沙燕泥依案落蠅篆上蒼斜壁  
暗吟風葉階明泣露花仙人應採藥蹤跡隔煙霞

別約齋龔丈

同作羈栖客如何復轉萍高人寧避毀吾道本無爭草  
綠思公子雲停悵友生幾時清禁地端簡笑相迎

神女廟

千載陽臺路難招宋玉魂精靈雲雨散廟貌女郎存古  
木凌飛拱危峯枕壞垣當時夢中語祇共楚王言

朱別山以糟魚見惠小詩奉謝

從來充食品錯物久稱豪羨爾紫鱗薦如傾赤玉膏珍  
應齊鼎餼潔未數溪毛牢落鹽梅上臨風首重搔

山左明詩笈卷十

二

次別山韻

春讌開江館昏鐘散晚衙浮雲存宦况急雨送年華曲  
久清商咽膏殘絳淚斜通宵追二妙瀾倒泛流霞

寄張五臺

明時張博望遠佐霍嫖姚直以戎機重寧辭邊地遙碧  
油張晚甸刁斗入寒宵雄劍衝星斗櫓槍觸處消

墨川雨中宴集

洛陽分司

小亭張畫燭高宴紫薇衙細雨江雲濕微風徑竹斜青  
衣行琥珀翠袖拂琵琶歸路衝泥怯籠街引絳紗

洛陽道中卽事

平山蒼不改洛水只悠然去騎紛如蟻驚塵飛作烟名



園皆蔓草高塚半平田伊昔洛陽道銷沉多歲年

道邊僧廬小憩

花梵秋還淨籃輿晚更過乞緣僧住少載酒客來多碧澗寒浮玉青山暮湧螺衲衣頭似雪半偈守巖阿

出塞

羽檄來青海牙旗向積沙匈奴猶收馬主將敢言家天接胡塵暗山連漢戍斜鐵衣寒不寐徹夜聽鳴笳

入塞

古地偏師陷飛泉䟽勒平關門交露布絕漠捲霓旌千里無傳箭連營有並耕歸來奏薄伐不受拓邊名

邠州

山左明詩鈔卷十

三

谷斷川回地欲窮參差石罅瞰飛甍武陵莫訝漁人事要是桃源有路通

秋日郊行

羸馬東屯向北崦黃茅處處酒家帘木綿葉老如金色蕎麥花香似蜜甜

亂石岡頭四五家宅邊無地種桑麻想應紅紫東風月牘有棠梨山杏花

九日洪洋招集別業用壁間韻奉謝

別墅依城小徑開秋堂寂寂淨浮埃黃花籬落雨中發白鴈關河霜裏迴側身避地仍多幸尊酒逢時得後陪把菊不辭元亮醉賡詩終愧子雲才



畏途終歲轉相憐，身多馱髀悲前事。治乏循良愧昔賢，  
惆悵潺湲瓠子水。幾回清夢尙臨淵。

題江村樂卷

雲開斲石傍江涯，小結茅堂護榷籬。萬頃鷗波供載酒，  
十年蟻夢付彈棋。鉤簾靜對林花落，倚閣清吟野鶴窺。  
試問緇塵侵客鬢，何如陸海謝天羈。

澠池重九

函谷關西山路長，會盟臺北野雲涼。鴈傳朔氣清霜苦，  
地近寒流晚稻黃。木落前川還獨往，花開別縣又重陽。  
薊門直上三千里，一夕歸心髻欲蒼。

九月十有九日登五華臺

山左明詩鈔卷十

五

百尺遺墟蔓草稠，共傳前代五華樓。基荒獨弔千年迹，  
節去重尋九日遊。拂地冷雲山北擁，接天黃葉火西流。  
邊城不柰秋登眺，獨戍蕭森起暮愁。

慶陽

慶陽山郭屹中天，勢壓胡兒不近邊。何事白狼鞮未入，  
至今青海箭猶傳。城頭帶甲嘗防虜，套裏連營自控弦。  
漢將秦師空拊髀，令人却憶孝文賢。

再登麾虜臺柬清溪總兵

飛幕凌虛坐暝烟，登臨風物感流年。防秋戍繞青山郭，  
牧馬人歸白水川。曠野高寒風力健，亭臺突兀角聲連。  
麾前自有龍雲陣，管使胡塵不近邊。



崔廷槐 二十首

廷槐字公桃平度人嘉靖丙戌進士官四川僉  
事有樓溪集

秋夜

塞垣木落風蕭索萬家千家愁脉脉庭院無人山漏遲  
一簾霜月生寒色月明流轉畫樓前埽地還開賞月筵  
白髮黃金俱有數放歌空對次寥天

古赤壁

嘉魚縣南石頭驛石上大書赤壁字龍涎蛟沫苔蘚封  
點波猶帶風雲氣攀蘿直上青林巔千古封疆落眼前  
英雄戰壘不可辨但見萋萋江草凝寒烟解衣沽酒楊

山左明詩鈔卷十

六

花村老翁擊出雙瓦盆揮杯且弄山間月弔古還招江  
上魂黃州逐客玉堂仙水落山高載酒船片帆未掛臨  
臯岸兩賦空合百代傳

三屯營

歲晏黃沙冷山高紫霧蒙防秋萬馬健較獵五兵雄大  
漠花當北穹廬火落東漢廷三表策此日愧無功

秋夜

倚杖坐深夜高天風露清開尊延客至聞笛喚愁生白  
露天涯節金戈塞上城不堪雙淚落相對欲霑纓

青澗謁范文正祠

青澗山中縣銀州塞上城人烟三里郭烽火萬家營不



落西戎膽焉知小范名祠堂秋水外曠望暮雲生

旅懷東後泉

風雨山城暮空庭烏雀憐獨愁銷病骨久客惜流年柳  
岸歌金縷花叢度錦鞦何時滄海上倚醉下春烟

聞笛

此夕金風爽誰家玉笛橫隔花人不見度竹響偏清月  
映梁恩冷烟沉熠燿明不堪三弄罷吹起故鄉情

聞砧

燕臺明月夕萬杵擣衣聲無奈多愁客况經長別情關  
山白露下風雨暮寒生知爾閨中意時時念遠征

楊柳詞

山左明詩鈔卷十

七

飛絮垂絲春滿天長安大道鳳城邊誰知一別都亭後  
回首風塵二十年

潼江

潼川江水抱村斜兩岸青山似若耶一葉小舟雙蕩槳  
月明撐入刺桐花

樓溪十景

吾愛紫荆山紅芳被曲徑雖非桃李姿頗宜邱壑性長  
風吹遙林明月散清暎藜杖信所適浮雲本無定邈焉

高蹈心終老以為幸

吾愛錦屏巖正立如削玉霜風日以寒苔色淨逾綠平  
生虎豹斑頗眩時人目堅貞閱歲年孤危仍高矗却望



倚空冥因之悵幽獨

吾愛瀑布泉直下三千尺濺空霏雨聲散作涓涓滴懸  
流倚青冥側挂浴蒼壁西曦照逾光空翠濕如滌迢遞  
匡廬峯虛名誰爲覲

吾愛輓轡灣清瑩鑑毛髮中有避世人臨深弄明月廻  
湫綉綺盤倏忽烟雲結却恐神龍潛乘之雷電發浩歌  
暮言旋塵襟淨如雪

吾愛菖蒲澗宛在水中沚下有雙鯉魚腹中書一紙剖  
魚展書讀書長不盈咫尺上言引脩齡下言慎坎止悠悠  
逐世心棲遁自此始

吾愛樓子石秋水涓涓溜循級下三壘衰此雲和奏繁

山左明詩鈔卷十

八

聲倏悠揚千軍湧而驟學海本初心停膏豈其咎川谷  
邈空茫潺湲聒清晝

吾愛砥柱峯峯峭如華表日月走其傍乾坤成昏曉杖  
履從何來將之二三老仰攀不可升但見烟霞遶平生  
仰止心始信他山小

吾愛觀魚磯深淵濶其下雖有釣魚人不愛賣魚價筑  
然南山樵聲名故等亞日夕荷擔來相見無長話機心  
各已忘清風厲紈袴

吾愛萬石渠白石寒齒齒陰壑生烟嵐雙峯夾修岵中  
有涓涓流似是滄浪水平生激石心且滌巢由耳莫信  
黃初平更逐羣羊起



吾愛香水谷幽草不盡識四時花斑斑頗有好顏色向  
來躡白雲竚立谷中側香風颭然生忽憶三閭客異代  
獨醒心行歸重悽惻

張相一首

相臨清人嘉靖丙戌進士歷官提學御史

卽事

嘉靖中有進廟樂章得京堂者賦此

學道尋師二十年此身不離鼎鑪前不知子晉緣何事  
只學吹簫便得仙

天高尚志一首

尚志冠縣人嘉靖壬辰進士歷官運使

皇子貢墓

山左明詩鈔卷十

九

皇王迹旣熄宣聖道因傳嘆鳳違周世獲麟見魯田雨  
時澤下土雲從景多賢淑氣鍾伍嶽靈光襲衛川元聞  
天道合妙徹聖功全遺澤存邱隴明禋歷歲年

馬九德 三首

九德字吉甫號小東亨衢子嘉靖乙未進士歷

官巡撫順天副都御史

程正夫先賢詩小傳公以縣令累遷副使大臣

出稽邊徼特舉共事以巡撫艱歸遂不復出每以良藥濟人有馬佛兒之稱又云公詩僅存十餘首家世衣冠代不乏人使祖宗遺迹零落殆盡子孫之過歟

至日懷程靜泉

長至雙梧夕寒更獨擁裘乾坤誰嘯傲歲月此林邱忽  
憶登仙侶將乘泛剡舟龍門何處是清節迴難儔



題武邑李三溪詩卷

愁將短榻對孤巒刻燭深除歲欲闌遙憶紅顏能駐老  
久嗟白髮豈禁寒甚鞋舊約游平圃石室新題徧曲欄  
清嘯亭中微雨歇曉來風墮鵲聲乾  
長歌躑躅竟朝昏遠寄魚箋到鹿門想像閒游雲外墅  
參差醉臥水邊村避烟老鶴穿花徑濕露寒蟬印竹垣  
準擬明年尋洛社感時憶舊意空存

郭鉉二首

鉉字汝器聊城人嘉靖辛卯鄉試第一人官順

天府治中

府志鉉早負雋才困於公車因得肆力問學司理太原疏濬宛滯囚無枉

者歸里無負郭之田蔬素自給早工樂府遠近流傳高者奪元人之席而制行淳恪里人賢之

山左明詩鈔卷十

十

題別墅

綠槐青蓋蔭園亭茅索菱餅汲井聲薄暑消殘微醉解  
夕陽隴首麥風輕

結廬入境謝喧譁一掩柴門幾歲華門外依然秋水在  
不聞有客咏蒹葭

冬王崇儉一首

崇儉字叔度崇獻弟嘉靖辛丑進士所著有五

桂堂稿

按曹之王氏至中丞公珣以厚德名於時子孫  
遂大仁文獻儉皆其子也中丞亦有南野詩稿  
今所見惟季徵一集餘皆他本據拾耳曹志載  
盧襄披雲樓詩云危樓落日淡黃昏每憶梅花  
江上村病久相違春撫拾愁多賴得酒温存總  
收雨脚鳩呼婦漸拂簷牙竹長孫回首故園歸



未得獨搔短髮俯鏡  
根詩頗佳致附錄之

伊尹祠次韻

秋林落寒葉下馬阿衡祠遙想格天業縱觀元聖姿風  
雲連異木鬼物護穹碑歲月嗟遲暮空山萬古思

石茂華八首

茂華字居采存禮孫嘉靖甲辰進士歷官兵部

尙書贈太子少保諡恭襄

府志茂華初知濬縣  
巨寇王經偶涉縣境

出奇計擒殺之守揚州能抗趙文華再起  
秦督積勞而卒有大星隕於西方人異之

送別塗任齋之留都銓部

征帆臨往路朝日映長津共事經三載同心復幾人別  
愁流水急佇望野風頻把酒重斟處隄邊柳色新

山左明詩鈔卷十

十一

端午寓上谷二首

邊城殊物候五月氣猶寒不歷燕然道何知極塞難壯  
懷時拂劍幽意獨看蘭遙望關山路風沙正渺漫

塞垣佳節度萬里戍烟橫幽代還兵革郊原困戰征晴  
光生遠磧曉日上軍旌客署長吟罷流鶯送暮聲

中秋對月和劉伯川

鐘傳長樂迴松栢露纖纖明月隨襟袖寒蛩響砌簷同  
憐秋夜永莫厭酒盃霑遙憶清曹會涼風怯漸添

宿小鹽池堡

弭節鹽池側秋光淡戍臺鴈聲雲外墮夜雨樹間來猛  
士安能得邊愁不可裁長歌聊徙倚或有伏車哀



閨怨三首

山烟萬里入長空  
漠漠飛沙暗碧穹  
閨婦愁聽三月雨  
行人不柰五更風

青草如愁日轉萌  
夢魂夜夜海西營  
寒衣不敢裁刀尺  
恐碎離腸萬恨生

濁水清塵別恨多  
杜蘅初綠感雙蛾  
思君堪似秋江上  
日月風來不定波

陳夢鶴

六首  
夢鶴字子羽尚書經子嘉靖丁未進士官山西

副使所著有雅音萃稿芝嶽山人歲稿平莊集

府志子羽年十二賦大內燈詩有警句隨父觀南郊因作大祀禮成賦一時傳誦夏相招致之

山左明詩鈔卷十

弗往卒以忤分宜罷歸與同鄉結翼雅詩社著述甚多

按副使詩無傳本諸選亦寥寥後二首見李

菴晚所藏副使草書石刻書亦有晉人風致

地鏡

奇異傳聞久空明  
入望寬野平金鑑  
淨山曉玉臺寒海  
氣虛無見嵐光遠  
近看不知照今古  
興廢幾波瀾

劈山

神斧何年劈雙峯  
竦翠螺鮮雲春自  
合佳氣夕偏多影  
倒崦嵫谷光廻若  
木柯羣山無與並  
天外倚嵯峨

長峪嶺卽事

一從長峪來不忍  
言邊事豈不愼秋  
防驃驍竟誰是

塞上卽事



朔風吹雪滿征裘此際宮烟散五侯見說兩階  
不須更飲月支頭

懷古

三齊豪傑空塵土萬古山河霸業餘  
不教海內有兵車

少林寺

上方臺殿倚雲迴翠巘青巒四面開  
不知松露墮巖隈

周濟川一首

濟川字仲虛允中子歲貢生官濬府經歷有凍

濱詩鈔

山左明詩鈔卷十

十一

冬意

滿天風雪折膠寒把酒圍爐取次懽  
不知窮巷有袁安

周濟川十首

濟川字仲實濟川弟嘉靖癸卯舉人官鄖陽知

府有南齋漫稿縣志濟川用績學工古文詞尤善書法所著又有西齋樂府燕臺

集之屬凡七八種云

征人婦

薄暮西風寒挑燈弄機杼征衣催未成  
縷縷織愁緒

老瓦盆

田家老瓦盆苦窳仍殘缺相傳幾祖孫  
年年醉明月



漫興

路轉桃花曲  
廳含竹葉低  
黃鸝啼不住  
只在小橋西

白髮孤村外  
清秋落日低  
親知歸去盡  
明月上來遲

秋夕

紅葉隨風亂  
落花和露爭  
開人在亭中  
對語月從海上飛來

南旺舟中別人

綠柳陰中黃鳥啼  
晴沙灘上鵝鴿飛  
如何南旺湖邊水  
半向東流復向西

東陵春讌

山左明詩鈔卷年

十四

桂萼風光去不廻  
青銅白髮漸相催  
東陵紅杏留春色  
莫厭花前數舉杯

雨夜

宦遊仍作客  
絕塞復逢秋  
蒼嶺飛黃葉  
青燈共白頭  
十年飄泊地  
千里望鄉樓  
京國無消息  
絲絲雨未休

遊岱嶽御帳坪懷古

御帳何年駐翠巒  
秋深孤客此盤桓  
巖花細細垂清露  
風葉蕭蕭起暮寒  
流水聲中秦帝樹  
白雲堆裏漢家壇  
幾回欲認前朝字  
古碣苔深未易看

南園

門對晴光樹接空  
紆廻細徑草芃芃  
黃鸝聲外杏花酒



白露池邊菡萏風修竹寒花秋并倚長松霽雪晚相通  
良辰莫怪頻來往流轉風光共不同

四桑紹良 八首

紹良字子遂溥子嘉靖乙卯舉人官嵐縣知縣

交遊稱天下久要疑所無豈不念友朋勢間情乃踈朝  
趨五侯聞暮隨六貴車反噬諒非忌彈冠亦何愚所以  
魏其侯至死重灌夫

向見管夷吾謂我爲鮑叔卿相舉隰朋知我翻碌碌無  
乃信讒慝須臾變寵辱諒哉託空言生死而骨肉

人生稟性靈良貴在中和名利俱身外鎔銖何足多糞

山左明詩鈔卷十

溷一污染終身難濯磨高士自冥鴻繪繳安可羅世無

魯仲連東海揚濁波

向見送李進士北山如京師二首

西風下高樹斷續寒蟬鳴不堪搖落候偏動別離情青  
袍雙寶劍斑馬五雲旌短亭新酒熟暫住共君傾  
相思何處切明月長安樓天涯各有夢候館自逢秋風  
闕開新選鷓班接舊遊因君動遐想吾欲覓封侯

過天門關

匹馬度天塹空山閉石門泉聲垂樹杪嵐氣動雲根波

浪黃河湧風沙紫塞昏驅車王子轡到此亦消魂

濮上送八兄歸襄陽



葛公祠下柳如絲立馬銜杯悵別離荆襄來去數千里  
兄弟歡娛能幾時別後更勞池草夢筵前先賦鶴鴒詩  
思君願比瀟湘鴈來歲還過濮水湄

壬戌下第宿張家灣

貂裘敝盡客還家郭隗臺前日欲斜回首鳳城春色好

鶯聲啼碎碧桃花

藍困 二首

困字深甫田弟選貢生有巨峰遺詩康對山云北泉侍御

與弟深甫微甫皆擅才譽有藍氏三鳳之目

秋日

今秋霜信早昨日鴈書傳楓葉兼紅紫荷盤幾碎圓青

山左明詩鈔卷十

十六

山捫虱坐白晝學蠶眠老矣杜陵客空懷尺五天

野蔓蕭疎綠霜林寂寞紅殘蟬鳴向日孤鴈落因風張

翰思吳下杜陵悲蜀中閒吟佳興足莫笑一囊空

藍困 二首

因字微甫困弟以父廕官慶陽通判有東泉遺

詩

天戒寺石村憲長邀飲和壁間韻

木落天空秋氣清多君攜榼過山城葛巾一笑草堂坐

鳧鷖猶穿花徑行鳥帶斜陽林影薄江翻白浪海潮生

風塵吳下舟南北野寺惟餘鐘磬聲

江上晚懷



隄上綠楊遮畫舫江南烟火映清波遊人自怕黃昏笛  
吹破愁城淚點多

祐字允吉一字舜澤濮州人嘉靖丙戌進士歷

官總督宣大兵部尚書有穀原詩集明詩錄補初為東鹿

合邑多凶繫下車一曰釋奠百人明日革罷得

年父母池北偶談蘇公總督宣大時以備師

戰切追兵急馬蹶不起倉皇開山上一白驃馳

下墮而乘之馳人蹇蹇亦以文後陳之山中具

文昌祠中泥線循穆敬南云公意與甚高得

句不苦自足是盛唐遺韻陳臥士云馬詩沈雄

雅鍊邊塞之篇不惟律精嚴聲調清亮而吐逸

### 行路難東陳子器

東陵故侯瓜登苞却從蕭何定籌策當時白馬撥戟門



山左明詩鈔卷第十

蘇祐 六十二首

祐字允吉一字舜澤濮州人嘉靖丙戌進士歷

官總督宣大兵部尚書有穀原詩集

明詩綜祐初為東鹿

令邑多囚繫下車一日釋數百人明日革罷

車三十兩又明日內召邑人語曰三日官罷

年父母池北偶談蘇公總督宣大時以偏師

戰屺追兵急馬蹶不起倉皇間出一白驃馳

下躍而乘之馳入塞驃亦不見後勝之山中則

文昌祠中泥驃爾穆敬甫云公意與甚高得

句不苦自是盛唐遺韻于文定公云蘇公詩

迥麗典雅卓然名家陳鳳文云公馬詩沈雄

雅鍊邊塞之篇不愧黃巢七律

律精嚴聲調清亮噴噴逸羣

行路難柬陳子器

東陵故侯瓜五色却從蕭何定籌策當時高擁戟門

山左明詩鈔卷十一

一

沛中小吏能為役武安賓館集如雲半是魏其門下客

應侯取相只數言翟公書門竟何益丈夫骨相如有定

豈能忍辱受巾幗君不見秋水木落洞庭波春華流光

暗拋擲功名衰遲欲歸去道路間關歎今昔

從軍行二首

苦竹繁枝節羈愁厭日月良人久從軍妾心如饑渴瀚

海一丈冰天山九月雪炊爨况獨持寒熱竟誰察沉痛

無晨宵音書聞燕越

黃河來西極東流日湯湯萬里遠戍人歸心空茫茫洗

衣濁水岸曝之沙積岡借問水東流何時還故鄉汨汨

無情極切怛增憂傷



度太行

驅車遵華旌西度太行山層巘旣窈窕修坂亦廻遙  
峯下鳴柝重門抱雄關土屋閑道側石泉瀑巉巖履深  
白井墮陟危崖粵懸細徑聊可躡方軌安能前  
朝登井陘道暮入土門口澗道紛糾纏松杉間粉柳黃  
華冒層岳紫萼緣廣阜幽禽鳴樛木嘉穀被隴畝遠行  
苦登頓周覽慰株守嗟彼揚子雲白首對甕牖

望雲亭

太行多白雲飄飄隨風轉獨有寸草心春風暮不卷遊

子日千里迢遞何時返翹首望白雲俯首淚雙泫

雜詩四首

山左角詩鈔卷二

二

大江流日夜浩浩會朝宗君子戒徒涉雙楫剡游龍擊  
楫理權歌慷慨有深衷長風東南轉萬里乘烟空懷哉  
濟川徒守時非固窮

秋夜耿自長寡寐愁竟夕欲撫茲朱絃擁琴坐華簣賓  
鴻歲旅旋調笑孤征客明月鑿牀帷華星耀東壁感此  
復徘徊攬衣更蕭索

時俗忻巧笑傾賞輕千金一言偶朝合日夕揚徽音東  
階鼓瑤瑟西序鳴朱琴殷勤申明誓嫵婉借春衾媚言

啓皓齒天地易高深貞潔甘自守華髮隨侵尋

伯牙彈鳴琴宛在山水間峩峩動十指洋洋入五絃鍾  
期竟如何昭曠契高元知言已不易知心良獨難莊悲



蕙質損身傷期耳捐雅談不復施絕音竟誰傳  
七夕分賦得樂字

六龍騁恒軌歲序無淹泊白露澹澄宇明河夜廻薄既  
帶徐生祠亦亘江門閣熒熒有集螢疆疆寡翔鶻機杼  
輕塵滿絡緯淒響作如聞白頭唵似奏清商樂雙星展  
嬾婉七夕接歡謔感此對樽酒良宵共斟酌匪結高陽  
歡益篤汝南諾楚璋珍特達魏瓠慚落哀塗遞蟋蟀  
拙踪委龍螭合并良有時眇眇曠寥廓

舟上東倪鎮卿

短劍秋江上孤舟野日西浮雲連樹沒遠水接天低人  
語喧歸渡漁梁斷浦踐蕭蕭一白鷺不共衆鳥啼

山陰明詩鈔卷十一

三

九日

落木驚風候淹留感歲華陰雲連紫塞清淚對黃花八  
駿周京馬孤蓬漢使槎高臺子願上不爲苦思家

戊寅元日

萬里王正月千官漢侍臣履端空鼓角行在尙風塵烽  
火新通代鑾輿近向秦已聞催羯鼓冬半勅迎春

伍大夫廟

遺廟臨盤水高臺儼故邱奔吳江上夜覆楚郢城秋霸  
業消俱盡江聲咽不流至今英爽在白馬海潮頭

虎邱

海湧依城近山藏讓寺雄龍文沈劍氣虎跡起松風明



月諸天近精靈五夜通千人環坐處說法憶生公

聞警

榆塞傳刁斗經年未罷兵竟令青海箭復度白登城  
駢勞明主征車出禁營軍中有頗牧萬一早留情

七夕二首

七夕坐澄宇清風生竹林靈跡不可見明月迴西沉  
感歎情何極徘徊夜易深迢迢一水上又是隔年心  
荷風香冉冉花露湛微微期是雙星會行應幾日歸  
相逢問夢未別已沾衣是夕明河下偏驚烏鵲飛

松子嶺

松嶺度寒曛真穿虎豹羣太行窮地紀上黨拂天文千

山左爾詩鈔卷二

四

里中原隘三河下界分雙旌颭飛鳥縹緲八層雲

自聞喜至夏縣

三晉驅車徧迢遙汾水東朝經虞舜井暮過禹王宮  
柳色當春變山形與舊同願言歌蟋蟀千載見唐風

河東道上

蒲坂水仍抱首陽山故連重華不可見孤竹轉堪憐  
暖色薰楊柳春聲喚杜鵑河流日滾滾萬丈禹門前

前山

太乙盤元氣洪流過鯨功天吳常九首星野一孤蓬  
山斷懸河下源分積石東至今歌禹德明祀萬方同

五臺雜興



竹林凭險絕山木澹清華抱膝無穿草鬣經有墜花春  
雲流石洞夜雨濕金沙塵想翛然盡歸依大士家

塞下曲二首

烽火照雲中分兵下大同材官六郡長劍客五原雄  
弄關山月旗翻瀚海風向來孤矢志不負遠臨戎  
八月已飛霜雲寒古戰場秦城高關塞漢受左賢王  
獵火分營壘鏡歌入帝鄉笛中楊柳曲哀怨滅伊涼

故關晚眺  
故關望不極懸戍入雲躋六月邊聲迴層城暑氣淒  
屏燕新鎖鑰通晉舊輪蹄珍重增兵意承平乍鼓鼙

寶劍行

山明詩鈔卷十一

五

寶劍礪干將韜衣玉貝裝白虹宵貫斗紫電曉含霜  
五色呈秦客三金獻越王鹿盧須自把庶以備非常

省中春日

帷幄陪樞府韜鈴忝佩刀上春秦月合東省夏官曹  
麗日遲遲度晴雲冉冉高委蛇歌退食虛薄豈知勞

八月出塞二首

風急天高動鼓鼙黃雲白草照旌旗單于秋牧榆林塞  
烽火宵傳花馬池聲斷悲笳胡鴈起氣沉明月漢軍知  
長驅烏合腥羶壘安見鷹揚節制師

續篇吹八月風將軍盡挽六鈞弓漢家故重麟臺畫  
元防瀚海戎但使軍儲供口北無須兵馬擊遼東



乘槎虛擬河源使投筆誰收都護功

大同城登乾樓

高城登眺俯雲州水抱紇干山下流紫塞應餘秦鬼哭  
朱旗常閃漢兵愁悲歌王粲寧懷土長嘯劉琨故倚樓  
烟火萬家今代北勳名諸將更何求

過烏江謁項王廟

岸分采石俯鼉鼉廟倚烏江裊薜蘿祇爲瑤圖歸赤帝  
遂合寶劍送青娥關前九戰收秦壁夜半諸軍變楚歌  
叱咤已隨雲鳥盡興亡無使是非多

春陰

臺館陰陰暄氣微一天風雨送春歸梁間紫燕猶私語

山左明詩鈔卷十一

六

樹裏黃鶯却暫飛池水自牽芳草夢山人元有芟荷衣  
東風好爲留情在無使韶華願竟違

襄陵臺中卽事

覆砌竹枝已自橫點池荷葉未全生青錢宛轉穿鳧藻  
紫玉參差接鳳笙春雨欲來蒼靄合晚風不動碧雲平  
坐深轉見桃華發誰厭山城二月鶯

岢嵐

隔嶺旌旗接鼓鼙岢嵐元在萬山西紫峯雲起連天塹  
黃水冰消斷月氏城塞尙存秦故址欵夷曾闕漢雕題  
年來黠虜憑陵甚痛哭蓬垣幾寡妻

庚子元日弋陽王府讌



朱門細雨灑霓旌  
廣殿華筵度鳳笙  
拂曙篆烟輕覆座  
凝寒春色澹浮城  
元辰正喜趨陪地  
落國誰兼著作名  
更有文談接尊酒  
眞看錦瑟倚雕楹

寄贈李長白巡撫寧夏

幕府高開倚賀蘭  
聲華籍甚近登壇  
孤懸舊見黃河繞  
曲抱重經碧澗盤  
將相古稱周吉甫  
山川南下漢長安  
受降城畔青青草  
盡日憑雲較獵看

有懷同年蘆南鄒辟君

山木虛憐賦有枝  
鴈書不至可無思  
百年異姓如兄弟  
千里分攜幾歲時  
明鏡近增搔雪歎  
青山猶負看雲期  
蘆花谿水垂綸地  
誰與高歌送酒卮

山左明詩鈔卷十一

七

近田贈許中翰

原田漠漠水雲平  
侵曉時間布穀聲  
華胄自宗虞太岳  
高齋最近漢東京  
蒼龍初見饒春事  
白鷺低飛有舊盟  
千里趨庭兼戀闕  
芳洲杜若幾回生

登鴈門關

關城樓閣澹陰森  
積雪層冰春已深  
東望音書如隔歲  
南侵戎馬欲沾襟  
代王城上雲初散  
李牧祠前風不禁  
誰信玉門班定遠  
重來華髮不勝簪

李牧祠下眺望作

泉源水竇入春分  
烏語花香遲客聞  
戍鼓寒沉秦塞月  
夕烽晴結漢關雲  
年來近野多戎壘  
時過回陽幾鴈羣



險絕頗憐今昔地無合唯說李將軍

自鴈門寄何沅溪

憶放樓船江水頭章門膝閣縉離愁鳴琴尙想東湖夕  
得句曾分九日秋南鴈不來懷錦字西風重入滿邊州  
它時傾倒知何地極塞相思獨倚樓

贈党牧川

一自歸辭門下省幾人先插侍中貂閒雲高臥隨舒卷  
雅興端居未寂寥但有姓名騰薦剡絕無翰簡入清朝  
山公啓事今誰繼輪帛旌賢擬見招

西征遇雪

木落空林夜有霜朔風重釀塞雲黃寒生老臂猶三屬

山左明詩鈔卷十一

八

倦入長途詎七襄白草舊開東勝地赤纓先繫左賢王  
謾憐飛雪沾雙鬢却笑青山亦點蒼

山人子歸入倒馬關作

南風吹雨傍關來關上千峯畫角哀老去尙憐金甲在  
生還重見玉門開鴟絃謾引思歸調虎節空慙上將才  
聖主恩深何以報車前部曲重徘徊

扈駕發京邑

春雨清燕甸君王出漢宮草承凋輦綠花映袞衣紅析  
羽蛟龍裊連營虎豹雄野屯分列將清問下三公帷幄  
邊烽入關河御氣通歌汾莫謾擬卜洛庶應同

送洪大行使益藩便道省覲



國典重周親星槎渡漢津玉書三殿出縉禮九賓陳魯  
衛元文穆夔龍本舜臣僊班鶴鷺遠民俗訪咨頻回首  
瞻雙闕歸心向八閩宮袍還畫錦喜氣滿城闈

讌北城樓得山空

散步高城晚凭欄四顧間十洲虛想像層閣重躋攀物  
候餘三楚人文異百蠻沙鷗臨暮集江鴈帶秋還葉落  
洪崖井烟深孺子闌天低圍野濶雲斷入湖閒尊俎延  
清興風塵浣俗顏涼颺動北闕白露滿西山自遠鷓鸞  
侶誰當虎豹關清商休盡奏客淚灑衣斑

濠梁行

山川萬古開淮甸勝蹟靈踪今始見遺宮雙闕時嗟哦

中左甫詩鈔卷十一

九

佳氣五雲鬱葱蒨綺岐鎬舊邦肇有周沛豐故里興炎漢  
禹跡茫茫分九州雍徐兗冀多王侯風環氣結有運會  
關基垂統獨殷周建旂秉鉞眞龍出義殺仁生刑政一  
始信神靈不偶生萬國仰之皎如日土壤中原幾千載  
九曲西來代遷改黃河噴浪下金天長江迸勢歸滄海  
元人失御奔其鹿我皇陟降河之曲英雄百里齊奮揚  
熊羆萬旅隨馳逐浦上蕭曹卽股肱南陽耿鄧同心腹  
二十八宿咸麗天三十六輻同一轂叱咤風雲紫極高  
汎除宇宙皇風穆文謨武烈紀旂常貢琛獻幣開明堂  
山川初擬會中土富貴非徒歸故鄉堯階三尺示樸素  
高王萬國來趨蹌此土遂爲湯沐邑追王比隆周季歷



馳道旌旗日月分元宮屋宇螭龍立王侯將相拜封多  
殷夏黃虞不啻過湛露常賡周雅什大風不唱漢臺歌  
王公設險守其國大江天塹分南北舊京百二玉關東  
昌期五百金陵側鍾阜石城遠大江奉春脫輅說君王  
埋金鑿笑秦淮陋定鼎卜從郊廓長鼎成龍去經幾禩  
依山尙有龍興寺踈檜常環古佛龕老僧頗悉當年事  
高亭拜覽御書碑寶函載覩開山記寺外塗山儼對荆  
城邊渦水遙通泗十王四妃可長哀諸侯列將空相思  
八衛仍屯紫禁城千官今扈玉霄京詞人擬撰三都賦  
甲士常團十二營松覆寢宮當晝闌草侵輦路入春生  
風雲尙接郊壇色鼓角猶傳象魏聲赤縣神州更創建  
虎踞龍蟠舊稱羨聖神四海本爲家華夷萬里皆南面  
黃金倚斗貯高臺青玉當天陳寶案北極重開日月圖  
南京深鎖雲霄殿

發洪州留別寮案諸公

幾載經匡嶽山川悵遼邈今年渡鄱湖襟抱轉煩紆笑  
語中流斷音塵邊地踈瑤琴懸別調羽檄騁良圖江門  
亦有南飛鴈一札十行應繼見山川欲去尙有情肝膈  
相看定如面歌聲擢入楚江雲月落脩脩頻夢君一尊  
獨引青霞滿雙劍常憐紫電分

櫛髮行

梧桐葉落洞庭波湛湛玉露橫秋河西風吹髮髮蒼短



塞上征人白更多城頭闐闐五鼓發推枕燈前夜梳髮  
蕭蕭似與脫木爭却擊朱纓望殘月人老髮白魚尾赤  
如逐東風舊相識蓴鱸正美江水清莫謾低回問消息  
送尹子莘出守汝州

南陽太守白玉面五馬翩翩出畿甸宗資畫諾誰適主  
諸葛廬井行且見弱冠上書見天子清曹致身並時彥  
賈誼自抱匡世畧伯夷豈專典禮善詎意一麾乃出守  
遂使十年徒入薦簿書奔走郡載歷邱園偃仰歲屢晏  
顧念風塵尙瀕洞忍使醫藥無暝眩幡然謁帝通舊籍  
搗來對暑開清讌絃桐忽入山水奏談劍坐聞龍鳥變  
正苦暑雨滯道路秦君行色杳書劍嵩岳凌空天並遠

宏明詩鈔卷十一

十一

河水漲濤日與換英傑識見略可數世情瑣細豈足辯  
卽今時事何所亟南征車馬且須慢莫緣書生輕五餌  
會聞天山定三箭投分脫手奚以贈臨岐語心良有算  
須君乘時奮籌策願言努力加餐飯

丁丑歲

大將書銜出禁關紫衫蒙甲狩陰山胡兒已報倉皇遯  
法駕應從警蹕還

龍幕熊圍朔雪前榆林蔥嶺羽書傳三宮愁思通關塞  
九廟神靈在上天

江中雜興

濤聲晴壓九江城司馬琵琶哀怨生去國懷鄉秋色裏



蘆花楓葉總關情

印事

山入北樓雙眼明  
凭高遙見應州城  
天中寶塔層層影  
風外金鈴杳杳聲

大石相連小石開  
蒙茸林薄鎖墩臺  
據形已得高山險  
制變還須大將才

茹越西來接馬蘭  
天生形勝限呼韓  
倘城河外三千里  
不數山中十二盤

胡峪巉巖水峪平  
中間細路亦縱橫  
畫圖貼說疑無地  
握算臨時別有兵

竹枝詞

山左明詩鈔卷十一

十三

鈿蟬金鴈惜春華  
寂寞東風到妾家  
惟有江頭明月色  
夜深共對木蘭花

依依江柳弄煙絲  
粲粲江花映竹枝  
莫把竹枝翻別調  
轉愁折柳送行時

葛守禮 九首

守禮字與立號與川德平人嘉靖戊子鄉試第  
一人己丑進士歷官尚書左都御史贈太子太

保諡端肅有端肅公文集

明史本傳守禮初任推官巨盜誣富家株

連百數封重賂部司獨無守禮名世宗由是知其廉屢遷南禮部尚書李本希嚴嵩旨誣以老病逐之隆慶初起長戶部再起刑部處高拱張居正召獨立人以爲難手文定

居正嘉隆間大臣有德望者獨推葛公功名氣



節一代仰之

如泰山北斗

按端肅詩雖不名家五言

清迴殆夢山之先聲歟

### 清明卽事

蕭蕭白楊風慘慘北邙色  
雨露泣清明游魂依寒食  
兒女具羹飯跪奠旄邱側  
父母裂紙錢燔化招幽魄  
相見俱灑淚泠然令人惻  
有聲雖徹天問言竟默默  
祭罷飲蟠間霑襟亦已拭  
耳目所爲情緬焉夫何極  
區區百年中賢愚同一息  
而又遇清明反覆詎難識  
天地無所逃太上有立德  
弗然委荒草日沒雲長黑  
異哉莊生言去適安樂國

### 閱邊城因至海上

出朔詩鈔卷十一

十一

天霽煙沉市霜清朔氣高  
塞垣餘靜柝野甸出新旄  
城勢憑山麓風聲雜海濤  
登臺曠遐矚飄泊思切切

### 早春邀謝副憲唐推府至海上

柳色春初媚延賓至海隅  
冰寒魚未陟風定鳥相呼  
人世泊舟渚乾坤納鏡圖  
飄飄萍梗是搖落幾能俱

### 清宵露坐

海氣連朝發山雲向晚開  
風從柵柳度月上女牆來  
成柝有時厭胡笳無意哀  
當關酬壯志東北洗烽臺

### 同查少叅觀海

寥落親嘉客凌虛興復清  
游魚分小隊野鶴導先旌  
雲出山含雨潮來水漑城  
欲昇蓬島上天際覓長生



觀潮

月華窟欲滿地息氣凌空浪湧一天雪濤聲萬樹風沃  
焦烘正沸海若噫初雄醜酒乘春望浩然此處同

朱園宴集待月

綺筵開別苑亭樹喜陰森花氣時通酒蟾光半透林泛  
觴餘灌水間樂散樓禽洛社還金谷何人覓賞音

斜日

水檻餘斜日繩床到晚涼飛花桃欲實斷絮柳披香蒲  
動知魚泳泥分覺燕忙自憐栖息地清引興能長

題馬東野卷

徵君別業傍青門三徑新開遠垢村懶向督郵貪墨綬

山左明詩鈔卷十一

十四

喜招野老話清樽林間曉露從巾折溪上春雲入履痕  
華轍有時迎舊侶錯教芳草怨王孫

趙鯤

七首

鯤字宇南壽張人嘉靖己丑進士官貴州按察

副使所著有九嶺集

按邑志稱鯤文宗秦漢詩擬盛唐在官亦著政績詩集詩統載其詩數篇老成新雋近亞石川而名不顯於時亦可慨也

晚秋重過環翠亭

名山不可到此地屢經過雨積苔斑合人踈蛛網多鶴  
鳴識舊客魚戲愛新波古渡雲烟外江風起棹歌

送董鹿崖出守永昌



分土得金齒揚帆出石頭玉麟錫上國彩鳳下南州春  
渡花橋夜風生箭樹秋伏波銅柱外炎海更安流

宿武林關

中道多平陸臨關總石崖橋騰千澗落旃繞數峯迴嵐  
氣秋仍厲灘聲夜更哀山深迷去夢何處漢王臺

白河境上

山深喬木暗江濶晚雲稠北道連商嶠南溪帶楚邱出  
江泊野店隔岸呼漁舟千里提封盡回瞻天漢樓

龍江關送家人歸

湖上北來晝氣昏湖邊春草怨王孫微微樹影懷山閣  
脈脈泉流過竹根羸馬衝泥尋浦路孤舟拖雨繫江村  
臨淮欲灑思鄉淚一夜隨潮過魯門

山左明詩鈔卷十一

五

過任嶺

任嶺雄盤要嶺西驅車蠕動躡丹梯晴風隕籜隨人舞  
落日寒猿向客啼蠻塚北來秦樹古夷場東去楚雲低  
萬山重疊鄉關遠歸夢纔成路轉迷

夜泊鄖陽城下

客舟一夜枕江聲風雨蕭蕭過楚城際曉還來尋舊濼  
黃流新漲大堤平

郭宗臯

六首

宗臯字君弼福山人嘉靖己丑進士選庶吉士  
改授主事累官兵部尙書贈太子大保諡康介



有似庵詩稿邑志康介初登第對策不用成格悉改官蓋以策語故也遷御史抗疏受杖劾保撫劉夔無行并及輔臣直聲震動有郭鎮頭之號撫順天以不媚時相罷起撫大同督宣大屢有戰功再謫再起以南大司馬引年歸

### 峻喜亭

六月蓮塘花正開  
稻翻新雨碧雲堆  
江南有客曾顧蓋  
笑問何人縮地來

年來到處人爭席  
老去焉知物態殊  
田峻擬邀南畝餉  
拙勞應取北山愚

### 峻喜亭擬古

十年印峽阪願得爲忠臣  
愧無封侯骨軼軻徒勞辛  
皓首還吾廬三徑荒松筠  
未知顏淵樂但有原憲貧  
終歲耕山田豐歉頗不論  
或授逐貧術受命畏聖人  
墨絲莫可染楊路罔所遵  
苟不生疑貳吾見亦已眞

### 宏明詩鈔卷十一

七

人謂長生術遺世從丹邱  
登山望東海彷彿見十洲  
仙人不可訪靈藥亦難求  
奈何秦漢君委心方士流  
安期竟不遇千載嗤空遊  
軒岐論壽考至今莫與儔  
所要在恬淡聖愚皆可由  
耕田苟不碍吾不遠西疇

栽荷非爲實實多不代穀  
植柳非爲材十年詎堪屋  
箕踞坐陰森徙倚玩芳馥  
能令塵慮忘不愧隱居服  
五柳羨淵明獨愛思茂叔  
逸焉二子賢賴此寄私淑

### 穫稻

穫稻秋霖霽松陰坐夕暉  
鷗閒人共適霞落鴈俱飛  
郭



遠山田賤年豐瘠土肥老來賦畝興學稼未知非

周顯宗 六首

顯宗字子孝號桃村濮州人嘉靖己丑進士官

漢中知府有周漢中自適稿明詩綜詩話桃村詩未臻門徑惟意

所之自序言感興而作不事強索亦未嘗規規於古人自知之明亦審矣

送黃如雍之京師

谷風揚輕塵曲巷門深閉展書理瑤琴踈簷納晚霽海  
棠老春華搔首下空砌忽聞我故人束裝向燕薊心知  
不可留白駒焉能繫嗟予迂嬾者世事紛多泥感君起  
沉疴剪穢期砥礪遠別會何時戚然隕孤涕明朝片帆  
遙薄靄起天際我有心相隨雲樹豈能蔽

山宏明詩鈔卷十一

七

對酒

我無媚世術何以事遠遊舉世尙馳逐孤介將奚求星  
辰上羅列河山下峙流而人生其間豈不在操修操修  
苟無愧窮阨吾何憂

眞州工部分司晚出

西嶺碧銜日潮生石磴前聲喧人競渡影亂鳥知還隱  
隱高城月冥冥晚市烟歸來羣動息兩岸蓼花天

幽居

住近古城隈幽篁手自栽奉親陳綠醕延客破蒼苔南  
望莊周宅東瞻子建臺吾生亦落莫高躅使人哀

宿安平驛



湖靜冰初合人喧市晚收夜深誰共語寒月獨登樓

明妃怨

胡地愁看漢月生長安此去萬千程不辭玉貌沉邊草  
更恐丹青誤聖明

左傑一首

傑恩縣人嘉靖己丑進士官河南參政

瑞麥歌

生學宮東

卓哉后稷心恒惻粒我蒸民賴爾極儒官容與誇周頌  
感激亦知勤稼穡春杪甘霖應肅時貝邱沃土悉含滋  
泮池瀾瀾凝佳氣牟麥矜矜秀兩岐薰風鼓蕩黃雲結  
披香正是朱明節充箱粟栗慶豐年薦熟浮浮翻玉屑  
憶昔成王不敢康三穗一莖信爲祥當今天子重農扈  
明明上帝錫遐昌竭來髦士富文史恭承嘉運從茲始  
定有異才際飛龍出入蓬萊膺喜起

張鳧二首

鳧字羽卿萊陽人嘉靖己丑進士官彰德知府

雪中發青準

草路晴初辨松橋暗水分元陰連朔雪殺氣亂愁雲半  
嶺縈寒色千山共夕氛數村烟火少長歎不堪聞

同任汾野徐嶼墩玩月

亭榭看初上江淮坐轉明水光兼蕩漾竹色助淒清駐  
蓋詩堪賦游仙夢未成關山憐並照簪組媿同行



田濡一首

濡字少生號南晚聊城人嘉靖己丑進士官太

僕寺卿有罔卿集山東通志濡初擢工科即請

宥議諸臣監築都城力劾

中官侵貪又論汪鋹郭勛時論壯之引疾歸年

四十八耳優游林下三十年屢薦不起世稱清

德嘉善錢薇作宛浩然傳贈之

與陳兩江侍御及同官登瑯琊絕頂

環滁十里最高山此日仙輶許共攀石道細迴雲樹外

江天遙對酒杯間英雄舊跡空殘壘詞客風流幾醉顏

興遠未窮吟賞處相將昏黑不知還

呂調羹一首

調羹字夢卿濮州人嘉靖己丑進士官兵部主

事

秋意

秋來日轉長水流何太急清霜斷人肌寒蛩向我泣江

空楓亦凋天濶鴻難集有懷對明月仰俛嗟何及

田大有二首

大有字豫甫東平人嘉靖壬辰進士官慶陽知

府分省人物志大有材略優長伉直負氣居家

孝友敦睦有古人風性好讀書多所涉獵以

博雅著稱

游龍山二首

地僻宜籠臥稱名自古今慚予負俗累藉此披煩襟樹

影榻前見鐘聲雲外沈隆中應比跡梁甫定誰吟



信美憐吾土峯巒四望遙山靈應有待惠遠故相招古  
樹巢鵬鷗行歌下牧樵松風繞磻發疑是奏簫韶

謝九議一首

九儀章邱人嘉靖壬辰進士歷官兵部侍郎

寧晉贈蔡天章

夙駕撫良辰拊缶赴洪音相見轉不夷豔歌匪所任緬  
君首文藻奉義懷貞心促柱轉不諧弭節遁以深哲工  
抗明薦天王時見欽豈謂弓旌招尙阻商巖霖周才矜  
自達直道微在今遷客苟安造諒友曷可箴所願君子  
採常比雙南金

范瑟一首

山宏明詩鈔卷十一

十一

瑟字孔和歷城人嘉靖壬辰進士改庶吉士授  
編修歷官陝西按察副使所著有柏峯集

邑志

十餘歲讀書山中有龍窺於牖諸生辟易去獨  
不爲動又常聞天樂作於雲中聲殷於庭他人  
也

奉贈王巖潭年文兼謝見酬聞鶯之作

才名少日傳三殿詞賦今看重兩京畫省幸聞白雪調  
郎官真比玉壺清風輕柳色含烟裊日暖江花照水明  
何處啼鶯更高樹隔牆分送早春聲

扈永通二首

永通字一貫曹縣人嘉靖壬辰進士歷官順天  
府尹終河南布政使所著有會溪類稿

錢達道  
云京畿



危言讜論高貴多忌而怨之卒爲中傷左遷  
而喜怒不形飄然解組毫無芥蒂視世人爲何  
如哉

遊瑯琊寺二首

烟寒露白俯孤城野寺平臨望處清庶子泉涼空色相  
瑯琊山鬱有陰晴蒼松愛接餐霞侶白髮慚虛鍊石情  
笑把一尊聊取醉滿川瑤草送秋聲

長松篩影度寒塘西轉崎嶇路杳茫鐘鼓報晴山寺遠  
川原迎客野花香直看紫翠浮霄漢未許蒙茸伏虎狼  
攬秀亭邊開望眼秋風此日灑衣裳

趙雲鵬二首

雲鵬德州人嘉靖乙酉舉人官大谷知縣程正夫詩

山左明詩鈔卷十一

十一

搜大令詩集不傳子家有  
寫冊數十篇風致倏然

遣憂

隱憂不自遣晨起對寒扉岸雪濃濃濕厨烟稍稍飛名  
爲孤注累事與寸心違屈指歲云莫徒傷未拂衣

秋渠見訪不遇以詩謝之兼有後約

多情幾度慰貧居聞道衝寒過草廬夢覺風鈴三鼓罷  
愁牽雲樹百尋餘比來無故拋棋局後會翻嫌俟簡書  
擾擾懷思將月半頻頻笑語憶冬初爭傳豪興當時盛  
肯信閒情此日虛白首關西夫子處不知珍攝近何如

董楠一首

楠字孟才益都人

池北偶談孟才爲大司空可  
威之叔常選古今聯句詩集



六卷亦不可少之書

登紀城故臺

振衣古高臺倚劍臨丹水茫茫白日低蕭蕭寒風起憶昔齊正強示弱來朝紀何言墮其謀兵戈有所恃堂堂旅見儀肅肅賓主禮用計諒已窮強弱俱一死人生譬朝露意氣徒為爾宮基雜邱壠城隍沒荆杞懷覽復何嗟無貽壯士恥

鍾秀一首

秀益都人嘉靖丙午舉人官廣宗知縣

府志秀沈潛嗜

學為廣宗令專以清淨為治經旬不聞輶僕聲

日進諸生與談經義去後士民皆思之比之漢

林慮長云

堯山

堯祠西麓敞晴暉就日瞻雲此駐驂茅室土階餘想像形車白馬尚依稀岱東風物遺蹤古海上烟霞入望微舜禹傳心還在列爐香清晝共垂衣

10070



